

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA TANO

15 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA TANO – TAREHE 15 MEI, 2017


I. DUA:

II. HATI ZA KUWASILISHA MEZANI:

WAZIRI WA ULINZI NA JESHI LA KUJENGA TAIFA:

Randama za Makadirio ya Mapato na Matumizi ya Wizara ya Ulinzi na Jeshi la Kujenga Taifa kwa Mwaka wa Fedha 2017/2018.

III. MASWALI:



OFISI YA RAIS (TAMISEMI):

200. MHESHIMIWA LEONIDAS TUTUBERT GAMA (SONGEA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi wa Songea Mjini wamekuwa wakiitumia Hospitali ya Mkoa wa Ruvuma kama Hospitali yao ya Wilaya hivyo kufanya kuwepo na mgongano wa kiutendaji kati ya Mamlaka ya Mkoa inayoitambua Hospitali hiyo

kama Rufaa ya ngazi ya Mkoa na Mamlaka ya Wilaya; Tarehe 10/1/2016 Mhe. Waziri wa Afya alifika kuona hali halisi na juhudi za Wananchi wa Songea Mjini za kujenga Kituo cha Afya Mji Mwema ambacho kimefikia hatua kubwa hivyo wakamwomba Waziri Kituo hicho kipandishwe hadhi kuwa Hospitali ya Wilaya Songea Mjini:-

- (a) Je, Serikali haioni umuhimu wa kuiacha Hospitali ya Mkoa ifanye kazi ya Rufaa Kimkoa;
- (b) Je, Serikali haioni haja ya kupunguza msongamano katika Hospitali hiyo kwa kuanzisha Hospitali ya Wilaya Songea Mjini;
- (c) Je, ni lini basi Serikali itakipa hadhi Kituo cha Afya cha Mji Mwema Songea Mjini ya kuwa Hospitali ya Wilaya.

WIZARA YA KILIMO, MIFUGO NA UVUVI:

201. MHESHIMIWA MARTIN MTONDA MSUHA (MBINGA VIJINI):

Atamuuliza Mheshimiwa Waziri wa Kilimo, Mifugo na Uvuvi:- Katika msimu wa kilimo wa mwaka 2015/2016 Mawakala wa usambazaji pembejeo kwa vocha katika Halmashauri ya Wilaya ya Mbinga wanadai Serikali jumla ya shilingi 824,000,000/=:-

Je, Serikali ina mpango gani wa kulipa deni hilo.

WIZARA YA UJENZI, UCHUKUZI NA MAWASILIANO:

202. MHESHIMIWA FLATEI GREGORY MASSAY (MBULU VIJIJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Wananchi wa Mbulu Vijijini hawana mawasiliano ya simu wala minara katika Kata za Tumati, Yayeda, Ampa, Gidhim na Gorati:-

Je, Serikali ina mpango gani wa kupeleka minara katika Kata hizo ili kupata mawasiliano.

WIZARA YA NISHATI NA MADINI:

203. MHESHIMIWA SUZAN LIMBWENI KIWANGA (MLIMBA):

Atamuuliza Mheshimiwa Waziri wa Nishati na Madini:- Serikali inafanya zoezi la kimya kimya la utafutaji wa mafuta na gesi katika Jimbo la Mlimba bila kutoa taarifa rasmi kwa Wananchi juu ya zoezi hilo:-

Je, Serikali inatoa kauli gani juu ya mchakato huo.

WIZARA YA MAMBO YA NDANI YA NCHI:

204. MHESHIMIWA NAJMA MURTAZA GIGA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Matumizi ya SHISHA yamegundulika kuwa ni miongoni mwa aina ya uvutaji wa sigara ambao wauzaji wengine huchanganya na aina mbalimbali za dawa za kulevya na vileo vikali na kusababisha vijana wadogo kuathiriwa kwa kiasi kikubwa:-

Je, kwa nini Serikali hadi sasa inaendelea kuruhusu matumizi ya SHISHA kwenye baadhi ya Migahawa na Hoteli kubwa ambayo inatumiwa na watu wa rika zote.

205. MHESHIMIWA HAMIDU HASSAN BOBALI (MCHINGA):

Atamuuliza Mheshimiwa Waziri wa Mambo ya Ndani ya Nchi:- Gereza la Kingulungundwa lililopo Wilayani Lindi linakabiliwa na uhaba mkubwa wa nyumba za Askari pamoja na miundombinu mibovu:-

(a) Je, Serikali ina mpango gani wa kuboresha makazi ya Askari katika Gereza hilo;

(b) Gereza hilo lipo umbali wa KM 3 kutoka barabara kuu inayotoka Dar es Salaam kwenda Lindi lakini wakati wa masika barabara hiyo haipitiki kwa gari kutokana na kujaa tope na maji; Je, Serikali haioni kuwa kukosekana kwa mawasiliano ya barabara kutoka Gerezani ni jambo la hatari.

WIZARA YA VIWANDA, BIASHARA NA UWEKEZAJI:

206. MHESHIMIWA LATHIFAH HASSAN CHANDE (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- Uzalishaji wa zao la Ufuta umeongezeka kwa msimu wa mwaka 2015/2016 na kusababisha kushuka kwa bei ya Ufuta sokoni:-

Je, ni lini Serikali itajenga kiwanda cha kukamulia Ufuta Wilayani Liwale.

207. MHESHIMIWA MUSSA RAMADHANI SIMA (SINGIDA MJINI):

Atamuuliza Mheshimiwa Waziri wa Viwanda, Biashara na Uwekezaji:- Singida Mjini ni Mji unaokua kwa kasi sana na tumetenga maeneo kwa ajili ya uwekezaji:-

Je, Serikali iko tayari sasa kuleta Wawekezaji.

208. MHESHIMIWA DKT. DALALY PETER KAFUMU (IGUNGA):

Atamuuliza Mheshimiwa Waziri wa Viwanda, Biashara na Uwekezaji:- Wilaya ya Igunga ni miongoni mwa Wilaya zinazolima Pamba kwa wingi Nchini:-

Je, ni lini Serikali itajenga au kuhamasisha ujenzi wa viwanda vya kuchambua Pamba, kutengeneza nyuzi na nguo na hata mafuta ili kutekeleza azma ya Serikali ya kujenga Nchi ya viwanda.

IV. HOJA ZA SERIKALI

WAZIRI WA ELIMU, SAYANSI, TEKNOLOJIA NA UFUNDI:-

Kwamba, Bunge sasa likubali kupitisha Makadirio ya Mapato na Matumizi ya Wizara ya Elimu, Sayansi, Teknolojia na Ufundi kwa Mwaka wa Fedha 2017/2018.

(Majadiliano yanaendelea)

**DODOMA
15 MEI, 2017**

**DKT. T. D. KASHILILAH
KATIBU WA BUNGE**